


МУНОСАБАТ

БУТУН ДУНЁНИ ЎЙЛАНТИРАЁТГАН МУАММО

унга қарши курашда ҳамма кучлар бирлашиши шарт!

Пойтахтимиздаги “Tashkent city” халқаро ишбилармонлик маркази ҳудудида халқаро ҳамжамиятнинг коррупцияга қарши курашиш борасидаги саъй-ҳаракатларини ифодаловчи монумент очилди. Тантанали маросимда Ўзбекистон Республикаси Президенти Шавкат Мирзиёев ва Қатар Амири шайх Тамим бин Хамад Ол Соний иштирок этди.



Ҳозирда коррупциянинг дунё миқёсидаги зарари қарийб 3 триллион АҚШ долларни ташкил қилмоқда. Аммо бундай катта рақамлар ҳам ҳақиқий ҳолатни ва коррупция натижасида кўрилатган реал зарарнинг аниқ ҳажмини тўлиқ ифода эта олмайди, албатта. Давлатимиз раҳбари таъбири билан айтганда, коррупция бутун инсониятга, барча жамиятлар асосига, иқтисодий тараққиётга зарба берадиган, қонун устуворлигини бузадиган ва халқнинг давлат сиёсатига ишончини кескин сусайтирадиган, демократик институтлар ривожига тўсқинлик қиладиган хатарли таҳдиддир.

Пойтахтимиздаги “Tashkent city” халқаро ишбилармонлик маркази ҳудудида халқаро ҳамжамиятнинг коррупцияга қарши курашиш борасидаги саъй-ҳаракатларини ифодаловчи монумент очилди. Тантанали маросимда Ўзбекистон Республикаси Президенти Шавкат Мирзиёев ва Қатар Амири шайх Тамим бин Хамад Ол Соний иштирок этди. Шунингдек, БМТ Бош котибининг ёрдамчиси

Александр Зувев ва хорижий мамлакатларнинг расмий шахслари ҳам қатнашди. Кафти очик қўл кўринишида металдан ишланган ушбу ўн икки метрлик композиция ҳалоллик, пок амал ва ниятларни, коррупцияга нисбатан мутлақ тоқатсизликни, дунёнинг барча мамлакатларини унга қарши курашишда бирлашишга чақириқни англатади.

Тошкент шаҳридаги Конгресс марказида Коррупцияга қарши курашиш бўйича юксак халқаро мукофот билан тақдирлаш маросими бўлиб ўтди. Тадбирда Ўзбекистон Республикаси Президенти Шавкат Мирзиёев, мукофот асосчиси – Қатар Амири шайх Тамим бин Хамад Ол Соний ҳамда Бирлашган Миллатлар Ташкилоти вакиллари, 40 дан зиёд мамлакат делегациялари, шу жумладан, ушбу халқаро мукофот совриндорлари қатнашди.

Президентимиз таъкидлаганидек, шиддат билан ўзгараётган дунёдаги энг долзарб муаммолардан бири бўлган коррупцияга қарши курашиш соҳасида глобал мукофотнинг таъсис этилгани ва

уни топширишга бағишланган маросимлар барча қитъаларда ўтказиб келинаётгани юксак эътирофга сазовордир.

“Зеро, коррупцияга қарши курашиш ҳар бир соф виждонли инсоннинг, демократик жамият ва давлатнинг муқаддас бурчидир”, деди Шавкат Мирзиёев.

Ушбу нуфузли мукофот орқали коррупцияга қарши курашишга муносиб ҳисса қўшаётган жаҳондаги энг фаол шахсларнинг эътирофи этилиши 2003 йилда қабул қилинган БМТнинг Коррупцияга қарши курашиш конвенцияси талабларини ҳаётга изчил ва тўлиқ татбиқ этишга хизмат қилиши таъкидланди.

Ўзбекистон коррупцияга қарши курашиш жараёнида ҳуқуқий ва институционал ислохотларни тизимли амалга ошириб келмоқда. БМТ, Иқтисодий ҳамкорлик ва тараққиёт ташкилоти каби нуфузли халқаро тузилмалар билан яқин ҳамкорлик йилдан йилга мустаҳкамланмоқда. Коррупцияга қарши курашиш тўғрисидаги қонун қабул қилиниб, махсус ваколатли агентлик ташкил этилган.

Ҳукумат фаолиятининг очик ва ошкоралигини таъминлаш ва масъулиятини ошириш, бюрократияни амайлтириш ва давлат хизматларини соддалаштириш, коррупциянинг олдини олишга қаратилган превентив механизмлар амайлтириш ва давлат идораларида комплаенс ва самарадорликни баҳолаш рейтинг тизимлари йўлга қўйилди. Давлат харидлари тўлиқ рақамлаштирилди.

Мамлакатимиз 2021 йили халқаро Очик маълумотлар хартиясига аъзо бўлган эди. Истанбул ҳаракатлар дастури, Глобал оператив тармоқ, Евроосиё ва Эгмонт гуруҳлари, бошқа кўплаб платформаларда самарали иштирок этмоқда. Ўзбекистон Ғарбий ва Марказий Осиё давлатларининг активларини қайтариш тармоғининг Котибияти вазифасини бажармоқда. Ҳар йили Тошкентда анъанавий Халқаро аксилкоррупция форуми ўтказиб келинмоқда.

Президент томонидан имзоланган қонун билан бир қатор қонунчилик ҳужжатларига ўзгартириш ва қўшимчалар киритилди.

Сайлов кодексига киритилган ўзгариш ва қўшимчаларга кўра:

Қонунчилик палатаси депутатлари сайловда иштирок этган 75 та ҳудудий бир мандатли сайлов округи тузилади;

2 нафари аёл киши бўлиши лозим.

Ягона сайлов округи бўйича сайланадиган Қонунчилик палатасининг депутатлик ўринлари ушбу сайловда иштирок этган сайловчилар овозларининг 7 ва ундан кўпроқ фоизини тўплаган сиёсий партиялар ўртасида тақсимланади.

Агар сайловда иштирок эт-

ҚОНУНЧИЛИК ПАЛАТАСИ ДЕПУТАТЛАРИ

сайловни аралаш сайлов тизими асосида ўтказилади

Президент томонидан имзоланган қонун билан Сайлов кодексига ўзгартириш ва қўшимчалар киритилди.

Қонунчилик палатаси депутатлик сиёсий партиялар томонидан кўрсатилган номзодлар рўйхати асосида Қонунчилик палатасига сайлов ўтказиш учун Ўзбекистоннинг бутун ҳудуди ягона сайлов округи ҳисобланади;

партия рўйхати Марказий сайлов комиссияси томонидан рўйхатга олинганидан кейин, ушбу рўйхатга киритилганлар депутатликка номзод макomini олади ва уларга гувоҳнома берилади;

партия рўйхатига киритилган номзодлар ушбу сиёсий партиянинг аъзолари ўтказиш бўлиши мумкин. Бошқа сиёсий партиянинг аъзолари ушбу рўйхатга киритилиши мумкин эмас;

депутатликка номзодларни танлаш тартиби сиёсий партиялар томонидан белгиланади;

аёлларнинг сони бир мандатли сайлов округлари бўйича, шунингдек партия рўйхати асосида сиёсий партиядан кўрсатилган депутатликка номзодлар сонининг камида 40 фоизини ташкил этиши керак. Бунда партия рўйхатидаги кетма-кетликда камида ҳар 5 нафар номзоднинг

ган сайловчилар овозларининг 7 ва ундан кўпроқ фоизини фақат битта сиёсий партия тўплаган бўлса, унда депутатлик ўринлари сайловда сайловчиларнинг энг кўп овозини тўплаган иккинчи сиёсий партияга ҳам тақсимланади.

Марказий сайлов комиссияси депутатлик мандатларини сиёсий партиялар ўртасида тақсимлаш тўғрисида баённома тузади.

Партия рўйхати бўйича сайланган депутатлар ўртасида депутатлик мандатларини тақсимлаш Марказий сайлов комиссияси томонидан рўйхатга олинган партия рўйхатига киритилган депутатликка номзодлар кетма-кетлигига мувофиқ амалга оширилади.

“Ўзбекистон Республикаси Олий Мажлиси Қонунчилик палатасининг регламенти тўғрисида”ги қонунга киритилган ўзгаришларга кўра, Қонунчилик палатасининг камида 5 нафар депутати фракция тузиш ҳуқуқига эга (илгари камида 9 нафар эди).

Ушбу қонун расмий эълон қилинган кундан эътиборан кучга киради.

БУГУНГИ СОНДА:



ОЛТИАРИҚНИНГ “КЕЛИН БАРМОҒИ”

АМЕРИКА ҚЎШМА ШТАТЛАРИДА



ХАРИДОРГА ҚУЛАЙ,

ЕТИШТИРГАНГА-ЧИ?

XXI АСРНИНГ 24-ЙИЛИДА
ҲАМ “XXI asr”
БИЛАН БИРГА БЎЛИНГ!



Обуна индекси – 406.
Мурожаат учун телефон: 71 255 68 50.



БУТУН ДУНЁНИ ЎЙЛАНТИРАЁТГАН МУАММО

унга қарши курашда ҳамма кучлар бирлашиши шарт!

◀◀Бошланиши 1-саҳифада.

Кейинги йилларда мамлакатимиз "Transparency International" индексиде 42 ғоғонага кўтарилди ва бу борада минтақамизда энг юқори ўринни эгаллаб турибди. 2030 йилга қадар мазкур рейтингдаги ўрнимизни яна 50 ғоғонага яхшилаш мақсаддини кўзлаганмиз. Давлатимиз бу йил "Open Data Inventory" рейтингиде 30-ўринга кўтарилди. Очиқ маълумотлар манбалари бўйича дунёда 4-ўриндан жой олганмиз.

Давлатимиз раҳбари тантанали маросимда қайд этиб ўтганидек, "Башарият тарихига назар солсак, коррупция иллати ҳатто энг қудратли ва энг кучли давлатларни ҳам жар ёқасига олиб келганига ва тўлиқ пароканда қилганига ғувоҳ бўламиз.

Коррупция бутун инсониятга, барча жамиятлар асосига, иқтисодий тараққиётга зарба берадиган, қонун устуворлигини бузадиган ва халқнинг давлат сиёсатига ишончини кескин сусайтирадиган, демократик институтлар ривожига тўсқинлик қиладиган хатарли таҳдиддир ва у барқарор ривожланиш мақсадларига эришиш борасидаги режаларимизга ҳам жиддий путур етказди".

Шунингдек, Президентимиз ўз нутқиде коррупцияга қарши курашиш борасида бир қатор тақлиф ва ташаббусларни илгари сурди. Энг аввало, Коррупцияга қарши курашиш бўйича 2030 йилгача мўлжалланган миллий стратегия ишлаб чиқиладиган амалиётга қўйилди. Бунда давлат идоралари фаолиятининг янада шаффофлигини таъминлаш ва ҳисобдорлигини ошириш, очиқ маълумотлар тизимини такомиллаштириш, соҳанинг ҳуқуқий асослари ва институционал механизмларини мустақамлашга алоҳида урғу берилди.

Ўзбекистон коррупцияга қарши курашдаги минтақавий ва глобал ташаббус ва янги лойиҳаларни қўллаб-қувватлайди ва фаол қатнашади. Бу борада ўтган ойда Тошкентда ишга тушган Коррупцияга қарши курашиш конвенциясининг Минтақавий платформасидан кенг фойдаланилади.

Нодавлат нотижорат ташкилотлари фаол жалб этган ҳолда, ўзаро таъриба алмашиш ва мулоқотларни кучайтириш, илмий изланишлар олиб бориш мақсадида Коррупция муаммолари бўйича минтақавий тадқиқот марказини ташкил этиш тақлиф қилинди.

Коррупцияга қарши курашиш агентлигининг хорижий турдош муассасалар билан яқин ҳамкорлиги кучайтирилади, бу унинг салоҳиятини янада оширади. Энг илғор халқаро таърибага асосланган янги механизмлар таътиб қилинади, жумладан, коррупция ҳолатлари бўйича "дастлабки ўрганиш" – коррупцион суриштирув институти жорий этилади.

Болаликдан "ҳалоллик вакцинаси" билан эмланган янги авлодни камолга етказиш устувор вазифага айланади. БМТнинг Коррупцияга қарши таълим ва ёшларнинг имкониятларини кенгайтириш глобал ресурси дастурини мамлакатимизда кенг жорий этиш режалаштирилган.

Президентимиз коррупцияга қарши курашиш бўйича журналистлар имкониятларидан унумли фойдаланиш ва уларнинг таъсирини янада ошириш учун Глобал медиа форумини ўтказиш тақлифини билдирди.

Ўзбекистон Президенти Шавкат Мирзиёев Қатар Амири шайх Тамим бин Хамад Ол Соний билан биргаликда Коррупцияга қарши курашиш бўйича юксак халқаро мукофотини ўз эгаларига тантанали топишди.

"Коррупцияга қарши курашдаги ютуқлар" номинациясида "Transparency International" халқаро ташкилотининг собиқ раиси Хосе Карлос Угас Санчес Морено (Перу), "Таълим ва академик тадқиқотлар" номинациясида Сингапур Миллий университети собиқ профессори Жон Куа (Сингапур) ва Загреб университети профессори Сунчана Роксандич (Хорватия) тақдирланди. "Коррупцияга қарши курашишда ёшлар ижоди ва фаоллиги" учун мукофотлар "Youth 4 Integrity Building" нодавлат ташкилоти (директор Дамарис Асве) ҳамда "All 4 Integrity" нодавлат ташкилоти (асосчиси Андре Корреа Д'Альмейда)га топишди.

"Инновациялар ва журналистик суриштирувлар" номинациясида суриштирувчи мухбир Клэр Рюкас-Браун (Буюк Британия) ва Буюк Британия Халқаро тараққиёт вазирлиги коррупцияга қарши курашиш бўлимининг собиқ раҳбари Фил Мейсон совриндор бўлди. "Спортни коррупциядан ҳимоя қилиш" номинациясида мукофотларга журналист ва "BBC" бошловчиси Вайхига Мваура (Кения) ва "Central European News" ахборот агентлиги муҳаррири Шантану Гуа Рэй (Ҳиндистон) муносиб топилиди.

Водийнинг шон-шухрати дунёда дoston бўлганига таъриф йўқ. Санъат, спорт, илм-фан, ҳунармандчилик, зироатчилик, ҳуллас, ҳар соҳада маълуми машҳур замин аҳлининг қадами етмаган жой қолдими ўзи?

Ўзбекистон халқ шоири, раҳматли Анвар Обиджон ўзи туғилиб ўсган қадрдон ғушаси Олтиариқ ҳақида ҳам ҳазил, ҳам чин маънода ёзган асарларини ўқиб, бу жаннатмонанд ғушани таниганмиз, билганмиз, кўрганмиз.

Куни кеча ОАВда яна бир ажойиб хушхабарни ўқиб қувондик: Олтиариқнинг олтин тупроғида етиштирилган энг сара узумлар Америка бозорини ҳам "забт" этибди! Тумандаги "Sherakhun" хусусий қорхонаси томонидан бундан бир ойча аввал синов тарикасида АҚШга жўнатилган бир тонна узум "NetCost" озиқ-овқат савдо марказлари тармоғининг Нью-Йоркдаги нуқталарига қадокланиб тарқатилган, икки кун ичида сотилиб кетибди.

Албатта, ҳар қандай маҳсулотнинг бошқа жойини қўяверинг, ҳатто ўз бозоримизда ҳам харидорбоплигини белгилайдиган асосий мезон, бу унинг сифатлигидир. Шу маънода кимсан, океан ортидек улкан ҳудуд аҳли эътиборини қозониш олтариқликлар бўрсуни яна неча ғоғона кўтариб юборганини ушбу хабардан ҳам билсак бўлади.

Мураккаб синов жараёнида АҚШнинг Кишлоқ хўжалиги департаменти ва Озиқ-овқат маҳсулотларини санитар назорати бошқармаси (FDA) томонидан Олтиариқ узумларининг экспорт учун мева карантин талабларига мослиги синчковлик билан ўрганиб чиқилганидан кейингина ижобий ҳулоса тақдим этилгани аниқ. Демак, дастлабки доводдан ўтиш осон кечмаган. Ниҳоят Америкадаги йирик супермаркетлар билан ҳамкорлик қилувчи "E.L.A. Superior Produce Inc." компанияси билан "Sherakhun" хусусий қорхонаси ўртасида доимий экспорт шартномаси имзолангани ҳам бежиз эмас. Имзоланган шартномага кўра, илк партияде 250 тонна Олтиариқнинг "Келин бармоқ" нави узуми самолётларда



давлатларига ҳам Олтиариқнинг энг сара узумларини экспорт қилиб келарди. Эътиборлиси, Беларусь Республикасидаги "Доброном", "Соседи", "Корона", "Грин" каби 7 та йирик супермаркетлар тармоқларига доимий тарзда узум етказиб берилаётгани ҳам эътиборга молик. Ушбу қорхона томонидан Олтиариқда қурилатган 400 тонна ҳажмдаги мева-сабзавотни сифдириш ва сақлаш қувватига эга омбор яқин кунларда ишга туширилиши мўлжалланмоқда.

Муболағасиз айтиш мумкин, Фарғона вилоятининг ўзига хос узумчилик мактаби яратилган биргина Олтиариқ туманида 3284 гектар майдонда ҳозирги кунда узум етиштирилмоқда. Энг қизиғи, вилоят бўйича жами 8288 гектар тоқзорнинг деярли тенг ярми шу туман ҳисобига тўғри келади. Фарғонада етиштирилган 208 400 тонна узум ҳосилининг 61 800 тоннаси Олтиариқ ҳиссасига тўғри келишининг ўзи бу ҳудуд аҳлининг деҳқончилиги, зироатчилик бобида қанчалар катта таъриба тўплаганини кўрсатади.

Бу кетишда билмадик, қўли гул олтариқликлар Ойда ҳам узум етиштирмасайди, деган яхши гумонимиз йўқ эмас. Омадини берсин, деймиз дуога қўл очиб...

Карим ЗАРИПОВ,
"XXI asr" мухбири

МУЛОҚОТ

Хоразм вилоятида 254 500 нафар томорқа ер эгалари бор. Уларга 42 минг гектардан ортиқ ер бириктириб берилган. Аҳоли томорқаларидан самарали фойдаланишни ташкил этиш учун ҳудудий дастурлар ишлаб чиқиладиган йилга уч, тўрт марта ҳосил йиғилган ҳолда қўшимча даромад олишга эришиляпти. Бу йил куз мавсумида 6 823 гектар ерга тўқсонбости экинлари экилди.



УРГАНЧИЛИКЛАР ТАЖРИБАСИ ОММАЛАШТИРИЛСА...

Олий Мажлис Қонунчилик палатаси Спикери ўринбосари, О'зЛиДеР Сиёсий Кенгаши Ижроия қўмитаси ҳамда Ўзбекистон фермер, деҳқон хўжаликлари ва томорқа ер эгалари кенгаши раиси Актам Хаитов Хоразм вилоятида бўлиб, томорқачилик йўналишидаги ишлар билан яқиндан танишди.

Илк манзил Урганч тумани Оёқбоғ маҳалласидаги Бойжон ота Хонгалдиев хонадони бўлди. Бу оила тўрт сотих ер майдониде тўқсонбости экинларини эккан. Барра саримсоқ пивзлар декабрь ойидан ички бозорга чиқа бошлади. Унинг ўрнига редиска экилади, эрта баҳордан халқимиз дастурхонига етказилади. Кейин эса томорқага помидор, бодринг экилади. Шундай қилиб, йил давомида тўрт марта ҳосил олинади. Ками-

да 100 млн сўм даромад кўрилиши тахмин қилиняпти.

Актам Хаитов ўзаро мулоқотда ер даромад манбаи экани, маҳалладаги ёшлар хорижга кетиб ишлаш ўрнига ўз томорқасида иссиқхона қуриб, даромад олишлари мумкинлиги, Бойжон ота каби илғор томорқачилар таърибасини оммалаштириш лозимлигини қайта-қайта таъкидлади. Мазкур ишларда О'зЛиДеР партияси вакиллари ва маҳаллий кенгаш депутатлари кўмағида тарғибот олиб бориш, ер билан тиллашган томорқачилар билан учрашувлар, маҳорат дарсларини ташкил этиш бўйича келгусидаги вазифалар белгилаб олинди.

Партия етакчиси Янгибозор туманидаги "Универсал таъминотчи" томорқа хизмати фаолияти билан танишди. Мазкур

томорқа хизматига Фермер, деҳқон хўжаликлари ва томорқа ер эгаларини қўллаб-қувватлаш жамғармасидан 4 млрд сўм имтиёзли кредит ажратилган эди. Натижада бу ерда соатига 1 тонна чорва ва паррандалар учун ем ишлаб чиқариш чеҳи, 200 тонна сифимдаги музлатгич омбори, мотокультиватор, мини трактор ва 3 йилдиракли аравали моточиклар йиғув чеҳи ишга туширилди. Аҳолига уруғлик, кўчат етказиб бериш, техника, кимёвий ишлов бериш ва бошқа хизматлар кўрсатиш йўлга қўйилган.

Янгибозор туманидаги Пахлавон Маҳмуд номи билан аталадиган маҳаллада яшовчи Моҳири Йўлдошева икки сотихлик томорқасида турли кўчатлар етиштириб, яхшигина даромад топаётган юртдошларимиздан би-

ри. Фермерлар кенгаши раҳбари маҳаллада ҳар қарич ердан унумли фойдаланиб, рўзғор тебраталар қўлгига қўлгига ғувоҳ бўлди. Мулоқотлар давомида даромадни янада ошириш, экин турларини кўпайтириш, йилга 4 мартагача ҳосил олишни йўлга қўйиш бўйича тавсиялар берилди.

Тўқсонбости экинларни плёнка остига экиб, эрта баҳорда мўмайгина фойда олишга интилиш йилдан-йилга оммалашиб бормоқда. Куз-қиш ойлариде ҳам ерни бўш қўймай, ҳосил олаётган деҳқонлар фақат оилавий бюджетларига эмас, айна пайтда бозорлар тўқинлигини таъминлашга ҳам катта ҳисса қўшиляпти.

О'зЛиДеР Хоразм вилоят кенгаши матбуот хизмати

“АЁЛЛАР ДАФТАРИ”:

АМАЛИЙ ИШЛАР ТАҲЛИЛ ҚИЛИНДИ

Сурхондарё вилояти қасаба уюшмалари федерациясида хотин-қизлар тузмоларини тизимли равишда ҳал этиш, уларни ижтимоий қўллаб-қувватлаш бўйича республика комиссиясининг жорий йилда вожада амалга оширган ишларининг танқидий таҳлили ҳамда 2024 йилда амалга ошириладиган вазифалар хусусида йиғилиш бўлиб ўтди.

Олий Мажлис Қонунчилик палатаси Спикери ўринбосари, О'зЛиДеР Сиёсий Кенгаши Ижроия қўмитаси раиси Актам Хаитов ҳамда Ўзбекистон Қасаба уюшмалари федерацияси, Оила ва хотин-қизлар қўмитаси вакиллари иштирок этган

тадбирда "Аёллар дафтари" доирасида 2023 йил давомида вилоятда амалга оширилган ишлар атрофича муҳокама этилди.

Эътироф қилинганидек, вилоятда 30 минг 216 нафар хотин-қизнинг бандлиги таъминланди. 1 минг 887 нафар аёлга тадбиркорлик фаолиятини йўлга қўйиш учун 24 млрд 231 млн сўмлик кредит ажратилди. 15 минг 44 нафар боқувчисини йўқотган, I ва II гуруҳ ногиронлари, 11 минг 652 нафар тез тиббий ёрдамга муҳтож ҳамда қарамоғида ногирон фарзанди бўлган 10 минг 170 нафар хотин-қизга 27 млрд 465 млн сўм миқдорда моддий ёрдам кўрсатилди. 117 нафар боқувчисини йўқотган, I ва II гуруҳ ногиронлари ва тезкор тиббий ёрдамга муҳтож 90 нафар хотин-қизнинг уй-жойи таъминланди. 499 нафарининг турар жойи яхшиланди, шундан 66 нафари арзон уй-жой билан таъминланди.

Йиғилишда булардан ташқари сурхондарёлик аёлларга тиббий, психологик ҳамда ҳуқуқий ёрдам ҳам кўрсатилгани ҳаётий мисоллар билан келтирилди. Президентимизнинг 2024 йилда "Аёллар дафтари" доирасида республика бўйича жами 1 млн нафар, жумладан, Сурхондарё вилоятидаги 64 500 нафар хотин-қизга амалий ёрдам бериш сифатини янада ошириш бўйича топириқ бергани, уни бажариш учун барча биргаликда ҳаракат қилиши лозимлиги таъкидланди. Келгуси йилда қилинажак режа ва чора-тадбирлар белгиланди.

Бир сўз билан айтганда, аёлларнинг тақдир, бугуни ва келажаги учун давлат сиёсати даражасидаги бундай эътибор, шароит ва имтиёزلардан опа-сингилларимиз янада руҳланмоқда.

О'зЛиДеР Сурхондарё вилояти кенгаши матбуот хизмати

ҒАМХЎРЛИК

ИШЧИ ГУРУҲЛАР ҚАНДАЙ ИШЛАЯПТИ?

✓ СИРДАРЁ

МАВСУМГА ТАЙЁРГАРЛИК
ВА ЖАМОАТ НАЗОРАТИ
ҚАНДАЙ?

O'zLiDeP Сирдарё вилоят кенгаши ташаббуси билан ҳудуднинг туман ва шаҳарларида куз-қиш мавсумига тайёргарлик, қиш мавсумини беталафот ўтказиш ҳамда аҳолининг бугунги кундан рози бўлиб яшашини таъминлаш мақсадида кенг кўламли ишлар олиб борилмоқда.

Маҳаллий кенгашларга партиядан сайланган депутатлар фуқароларни ўйлантираётган турли муаммоларни ҳал қилиш мақсадида маҳалла, қорхона ва ташкилотлар, тадбиркорлик субъектлари, айниқса, ижтимоий объектларда бўлишиб, жамоатчилик назорати тадбирларини ўтказишди. Жараёнда кўплаб муаммолар кўзга ташланиб қолди.

Мактабгача ва мактаб таълими тизимида: Боёвут туманида 55 та мактаб, 34 та боғчанинг иситиш тизими табиий газдан кўмир ёқилғисига мослаштириш режалаштирилган. Амалда эса атиги 3 та мактаб, 1 та МТТда мазкур вазифа bajarилган, холос. Гулистон туманида аҳвол янада ачинарли: режадаги 32 та мактаб, 21 та боғчадан бирортаси кўмир ёқилғисига ўтказилмаган. Мирзаобод, Сайхунобод, Сирдарё туманлари ва Ширин шаҳридаги ҳолат ҳам кўнгилдагидек эмас.



Вилоятда умумтаълим мактабларидан 32 таси, мактабгача таълим ташкилотларидан 9 таси кўмир билан иситилади. Уларга режа бўйича юз фоиз, яъни 1752 тонна кўмир етказиб берилган. Куз-қиш мавсумига сифатли тайёрланиш мақсадида 99 та таълим ташкилоти учун 9 млрд 472 млн сўм маблағ ажратилиши режалаштирилган-у, аммо ажратилмаган. Иссиқлик тизимини давлат-хусусий шерикчилик асосида ташкил этиш масаласи ҳам ўлда-жўлда ётибди.

Сирдарё вилоятидаги тиббиёт муассасаларида иситиш тизими ўрганилганда ҳам барча жойда вазият бир хил эмаслиги аён бўлди.

O'zLiDeP Сирдарё Кенгаши Ижроия қўмитаси раиси Актам Хаитов Гулистон шаҳри ва Мирзаобод тумани халқ депутатлари сессияларида қатнашиб, ижтимоий соҳа объектларининг куз-қиш мавсумига тайёргарлиги юзасидан аниқланган камчиликларга алоҳида тўхтади. Муаммоларни ўз вақтида бартараф этиш юзасидан сессиянинг тегишли қарорлари қабул қилинишига эришилди.

Партия ташаббуси билан вилоят телерадиокомпаниясида савол-жавоб шаклида кўрсатув тайёрланди. O'zLiDeP Сирдарё Кенгаши бўлим бошлиғи Бахтиёр Рухидинов бошқариб борган пресс клубда Олий Мажлис Қонунчилик палатаси депутати Сардор Ғиёсов, партиянинг Сирдарё вилоят кенгаши раиси биринчи ўринбосари – аппарат раҳбари Шоҳиста Бозорбоева, вилоят кенгаши депутати Покиза Аҳмеджонова ва бошқалар сўзга чиқишди. Президентнинг 2023 йил 10 апрелдаги “Ижтимоий соҳа объектларининг иситиш тизимларини давлат-хусусий шерикчилик асосида модернизация қилиш тўғрисида”ги қарори ижросини ўрганиш довомида аниқланган камчиликларни қисқа муддатда бартараф қилиш юзасидан мутасадди раҳбарларга кўрсатмалар берилди.

✓ ҚАШҚАДАРЁ

МАҲАЛЛА РАИСЛАРИ
ВА ҲОКИМ ЁРДАМЧИЛАРИ
ЎРТАСИДА ДЕВОР
БОРМИ?

Халқ депутатлари Қашқадарё вилоят кенгашидаги O'zLiDeP депутатлик гуруҳи ййғилишида вилоятда оилавий тадбиркорликни ривожлантириш дастурлари доирасида аҳолининг бизнес ташаббусларини қўллаб-қувватлашга доир амалга оширилаётган ишларни ўрганиш бўйича назорат эшитуви бўлиб ўтди. Марказий банк вилоят бош бошқармаси ҳамда Маҳаллабай ишлаш ва тадбиркорликни ривожлантириш агентлигининг ҳудудий бошқармаси бошлиқларининг ҳисоботлари эшитилди.



Таъкидланишича, Президентимизнинг жорий йил 31 январдаги “Оилавий тадбиркорликни ривожлантириш дастурлари доирасида аҳолининг бизнес ташаббусларини қўллаб-қувватлашни янги босқичга олиб чиқишга доир қўшимча чора-тадбирлар тўғрисида”ги қарори ижроси юзасидан вилоятнинг қишлоқ ва маҳаллаларида кичик бизнес ва тадбиркорлик муҳитини янада яхшилаш, ёшлар ва хотин-қизларни даромадли иш билан банд қилиш борасида қатор

ишлар амалга оширилди. Молиявий кўмак беришда деҳқон хўжаликлари ва кичик бизнес субъектларига қишлоқ хўжалиги ер участкаларини узоқ муддатли ижарага бериш, хизмат кўрсатиш ва хўнарандчиликни кенгайтириш, аҳоли ва уй хўжаликлари билан ҳамкорликни кенгайтиришга қаратилган тадбиркорларнинг лойиҳаларига алоҳида эътибор қаратиляпти.

Вазирлар Маҳкамасининг шу йил 4 апрелдаги “Оилавий тадбиркорликни ривожлантириш дастурлари доирасида кредитлар ажратишни такомиллаштириш ҳамда аҳолининг доимий даромад манбаларини кўпайтиришга доир қўшимча чора-тадбирлар тўғрисида”ги қарорига асосан фермер, деҳқон хўжаликлари ва томорқа ер эгаларини қўллаб-қувватлаш жамғармаси маблағлари ҳисобидан аҳоли томорқаларидан самарали фойдаланиш учун микрокредитлар миқдори 3 млн сўмгача оширилди. Ушбу микрокредитлар Оилавий тадбиркорликни ривожлантириш дастурларининг ягона электрон платформаси орқали ажратилиши бу борада шаффофликни таъминлаш, самарадор лойиҳаларнинг амалиётга татбиғи борасида муҳим қадам бўлди.

Эътироф этмоқ лозимки, сўнгги олти йил мобайнида вилоятда оилавий тадбиркорликни ривожлантириш дастурлари доирасида 148 мингдан зиёд аҳоли ва тадбиркорлик субъектларига 3 трлн 565,8 млрд сўм имтиёзли кредит ажратилган. Жорий йилнинг ўтган даври мобайнида эса 37 439 нафар аҳолига 829,2 млрд сўмлик имтиёзли кредит маблағлари берилди.

Ййғилишда депутатлар томонидан оилавий тадбиркорликни ривожлантириш дастурлари доирасида кредитлар ажратиш механизмни соддалаштириш, аҳолини тадбиркорликка йўналтириш асосида бандликни таъминлаш, маҳаллий ишлаб чиқаришни замонавийлаштириш борасида фикр билдирилди. Янги лойиҳаларни ишлаб чиқаришга татбиқ этишни жадаллаштириш учун тадбиркорларнинг ҳуқуқий-иқтисодий билимларини ошириш, молиявий кўмакни ҳоким ёрдамчиларининг тавсиясиз ҳам беришни йўлга қўйиш, таъминотчилар кредитга олинаётган чорва моллари нархини асоссиз ошираётгани учун чорва кредитини таъминотчи ҳисобига эмас, кредит олувчининг пластик карточкасига ташлаб бериш зарурлиги хусусида таклифлар ўртага ташланди.

Шунингдек, сўзга чиққан вилоят кенгаши депутатларидан Иброҳим Халилов, Алишер Бойқараев, Момосулов Бердиқулова ва бошқалар маҳалла раислари билан ҳоким ёрдамчилари ўртасида ҳамкорликнинг яхши эмаслиги, айрим ҳоким ёрдамчилари ислохотлар моҳиятини теран англамаётгани, соҳани ривожлантириш борасидаги янгиликлардан беҳабарлиги сабабли кредит ажратишда ноҳосиликка йўл қўйилаётгани, ёш тадбиркорларнинг иқтисодий билимлари етарли эмаслиги боис олинган кредитлардан самарали фойдаланилмаётгани кескин танқид қилинди.

Ййғилиш сўнггида воҳада оилавий тадбиркорликни ривожлантириш дастурлари доирасида аҳолининг бизнес ташаббусларини қўллаб-қувватлашга доир амалга оширилаётган ишларни ўрганиш бўйича депутатлик гуруҳи аъзоларининг кузатиш натижалари, билдирган таклиф ва мулоҳазаларини инобатга олган ҳолда Халқ депутатлари вилоят кенгаши сессиясига масала киритиш юзасидан қарор қабул қилинди.

**Сайфулла ИКРОМОВ,
O'zLiDeP Қашқадарё вилоят кенгаши
бўлим мудир**

✓ ТОШКЕНТ ШАҲРИ

ХОТИН-ҚИЗЛАР
БАНДЛИГИ
ТАЪМИНЛАНЯПТИМИ?

O'zLiDeP Тошкент шаҳар кенгашининг “Аёллар қаноти” вакиллари, депутатлар, партия фаолларидан иборат ишчи гуруҳ Бектемир туманидаги “Янги йўл” МФЙ фаоллари билан учрашди.

Ишчи гуруҳ “Ўзбекистон – 2030” стратегиясида хотин-қизларни қўллаб-қувватлаш тизимини кучайтириш, уларнинг ҳуқуқ ва қонуний манфатларини таъминлаш, фаоллигини ошириш, “Аёллар дафтари” билан манзилли ишлашнинг шаффоф механизмни яратиш, бу борада жамоатчилик назоратини ўрнатиш масаласига эътибор қаратди. Маҳалланинг “Аёллар дафтари”даги хотин-қизлар 73 нафар бўлса, шундан 70 нафарининг бандлиги таъминланган. 34 нафар эҳтиёжманд аёлларга доимий равишда моддий ёрдамлар берилмоқда.



Партия вакиллари тумандаги 62-оилавий поликлиникада шифокорлар ҳамда беморлар учун яратилган шарт-шароитларни кўздан кечиришди. Иссиқлик таъминотини ўрганишди. Фуқароларга сифатли тиббий хизмат кўрсатиш бўйича тавсияларини беришди. Тумандаги мактаб ва боғчалар, уларда мавсумни беталафот ўтишига масъул штаб фаолияти ҳам эътибордан четда қолмади.

Шундан сўнг яқинда оилавий тадбиркорлигини бошлаган хотин-қизлар фаолияти ўрганилди. Уларнинг режалари тингланди, фаолиятни кенгайтириш юзасидан тавсиялар берилди.

Ишчи гуруҳ ўтказган жамоатчилик назорати якуни юзасидан муҳокамада сўз олган гуруҳ аъзоси Гаҳарой Тўхтасинова ўз бизнесини йўлга қўяётган аёллар, ёшларнинг шароитларини янада яхшилаш, уларни қўллаб-қувватлаш бўйича фойдали таклифларни ўртага ташлади. Аниқланган муаммо ва камчиликларни бартараф этиш юзасидан чора-тадбирлар белгиланди.

✓ ЖИЗЗАХ

ОЗИҚ-ОВҚАТ
МАҲСУЛОТЛАРИ
ЗАХИРАЛАРИ
ЯРАТИЛГАН(МИ?)

O'zLiDePнинг Жиззах вилоят, туман ва шаҳар кенгашларидаги депутатлик гуруҳи аъзолари ҳамда жамоатчилик вакилларида иборат ишчи гуруҳ Шароф Рашидов туманида аҳолини озиқ-овқат маҳсулотлари билан узлуксиз таъминлаш, нарх-наво барқарорлигига эришиш бўйича қилинган ишлар билан танишишди. Қиш мавсуми учун маҳсулотлар захиралари яратиш ҳолати бўйича туманда амалга оширилган ишларни ўрганишди.

Таҳлиллар жараёнининг бир қисми сифатида ушбу масала юзасидан туман ҳокимининг қишлоқ ва сув хўжалиги масалалари бўйича ўринбосари Акбар Умаров, туман камбағалликни қисқартириш ва бандлик бўлими бошлиғи Дадажон Рашидов, ҳокимнинг инвестициялар, инновациялар, хусусийлаштирилган қорхоналарга кўмаклашиш, эркин иқтисодий ва кичик саноат зоналари ҳамда туризми ривожлантириш масалалари бўйича ўринбосари Ғулом Хидировнинг ҳисоботлари ҳам эшитилди.



Ййғилишда мутасаддилар томонидан таъкидланганидек, туманда истиқомат қилаётган 241 минг 509 нафар аҳоли эҳтиёжи учун 12,7 минг тонна картошка, 10 минг тонна пивёз, 8 минг тонна сабзи, 2,5 минг тонна гуруч, 21 минг тонна ун, 2,1 минг тонна ўсимлик ёғи талаб қилинади. Шу боис бу борада тизимли ишлар олиб борилди. Натижада қўшимча 7,1 минг тонна картошка, 10 минг тонна пивёз, 1,9 минг тонна сабзи етиштирилди.

Маҳсулотлар захирасини таъминлашда аҳоли томорқаларидан унумли фойдаланишга ҳам эътибор қаратилди. Таҳлиллар шуни кўрсатдики, умумий майдони 2 045 гектар аҳолига тегишли томорқа ерларидан 10 977,4 тонна сабзавот, 6 736,5 тонна картошка, 6 120,1 тонна полиз, 1 324,8 тонна дуккак-ли экин маҳсулотлари ёки умумий ҳисобда 66 511,4 тонна маҳсулот етиштирилган. 2022-2023 йиллар давомида 2,5 минг нафар деҳқон хўжаликлари учун ажратиб берилган 952 гектарга озиқ-овқат экинлари экиш ҳисобига 18,5 минг тонна маҳсулот (шундан пивёз ва сабзи минг тоннадан), 15 минг тонна полиз, 750 тонна картошка, 250 тонна мойли ва 500 тонна дуккак-ли экинлар ҳосили етиштирилган.

2019-2022 йиллар давомида 2 минг 812 гектар ерлар ўзлаштирилди. Жорий йилда ҳам 686 гектар ерлар ўзлаштирилиб, озиқ-овқат экинларини экиш ҳисобига 8 минг тонна атрофида сабзавот, полиз, картошка, мойли ва дуккак-ли экинлар етиштирилди. Шунингдек, фермер хўжалиқларининг дала четларидан самарали фойдаланишлари ҳам эътибор қартилмоқда. Тумандаги 332 та фермер хўжалигининг 1 459 гектар дала четларидан унумли фойдаланиш йўлга қўйилган.

Чет давлатлардан ҳам озиқ-овқат маҳсулотлари кириб келяпти. Бироқ муаммолар ҳам йўқ эмас. У ҳам бўлса, маҳсулотларни сақлаш имкониятлари жуда ҳам чеклангани, яъни туманда қуввати 5 минг тонна бўлган 5 та омбор мавжуд, холос. Муаммонинг олдини олиш мақсадида туманда қуввати 250 минг тонна бўлган логистика маркази, қолаверса, вилоятдаги 48 та маҳалланинг ҳар бирида 1 тадан музлаткичи омборхона ташкил қилинмоқда. “Бир ҳудуд – бир маҳсулот” тамойили асосида ихтисослашган ҳудудларда маҳсулот етиштириш йўлга қўйилмоқда.

Мутасаддилар ҳисоботини қониқарли деб топган депутатлар ишчи гуруҳ аъзолари билан биргаликда олиб борилган ўрганишлар натижасидан келиб чиқиб, ушбу масала юзасидан ўз фикрларини билдиришди.

**Холбек АСАТОВ,
O'zLiDeP Жиззах вилоят кенгаши
Сирдарё таълим ва депутатлик
гуруҳлари билан ишлаш бўлими мудир**

✓ ХОРАЗМ

КИЧИК САНОАТ
ЗОНАЛАРИДА ЯНГИ
ИШ ЎРНЛАРИ
ОЧИЛЯПТИ

O'zLiDeP Боғот туман кенгаши депутатлари кичик саноат зонасида ўз фаолиятини бошлаган “BULTEX PRO” қорхонасида бўлишди. Янги иш ўринлари ва имкониятлар билан танишишди.

Қорхонада Туркия технологияси асосида ўндан ортиқ болалар кийимлари ишлаб чиқарилмоқда. Унинг ишга туширилиши натижасида 260 нафар хотин-қиз иш билан таъминланди. Эндиликда улар ўз меҳнатлари билан оилаларининг моддий фаровонлигини таъминлаш, турмуш даражасини ошириш имкониятига эга.



Тикувчилик ҳунарим бор, аммо кўп вақтдан буён ишсиз эдим, – дейди қорхона ишчиси Дилбар Матякубова. – Қорхона иш бошлаганини эшитиб, ишга келдим. Ойлик маошлари ва шароитлари менга жуда ёқди. Иссиқ овқат ва транспорт билан таъминланганимиз.

Лойиҳа қиймати 23,8 млрд сўм бўлган мазкур субъектда қунига беш-олти мингта болалар кийимлари тайёрланади. Маҳсулотлар Россия ва Европада экспорт қилинади.

Депутатлар мулоқот давомида қорхона ўз маҳсулотлари билан мамлакат ва жаҳон бозорига ўз ўрнини топиши асосида фаолиятини янада кенгайтириш, янги иш ўринларини яратиш борасида ҳам кенг имкониятга эгаллигини эътироф этишди. Қорхона маъсулининг таъкидлашича, яқин кунларда яна 150 нафар иш ўрни яратилади ва “Аёллар дафтари”даги хотин-қизлар ишга олинади.

**O'zLiDeP Хоразм вилоят
матбуот хизмати**

“ЎЗБЕКИСТОН – 2030” СТРАТЕГИЯСИ

Соғлигимиз – бойлигимиз

Кейинги йилларда соғлиқни сақлаш тизими тубдан ислоҳ қилинмоқда. Соҳанинг моддий-техник базаси мустаҳкамланиб, кадрлар салоҳияти оширилмоқда. Илғор даволаш ва диагностика усуллари жорий қилиниб, инновацион технологиялар кенг татбиқ этилмоқда. Бу борадаги ислохотларни изчил давом эттириш ва янги босқичга кўтаришда “Ўзбекистон – 2030” стратегияси муҳим дастуриламал вазифасини ўтамоқда.

Тошкент вилоятидаги O'zLiDeP фаоллари янги давр талабларига жавоб берадиган, барча жабҳалардаги муаммолар ечимини ўз ичига қамраб олган ушбу ҳужжат мазмун-моҳиятини кенг аҳоли ўртасида тарғиб қилишмоқда.

Партиянинг Оҳангарон шаҳар кенгаши томонидан тиббиёт бирлашмасида ўтказилган “Ўзбекистон – 2030” стратегияси аҳоли саломатлиги йўлида хизмат қилади!” мавзусидаги давра суҳбати ҳам аynи мақсадда ташкил этилди.

O'zLiDeP Оҳангарон шаҳар кенгаши аппарат раҳбари Гулжаҳон Жиянова стратегияда аҳоли саломатлигини сақлаш борасидаги мақсад-вазифалар, устувор йўналишлар бежиз белгилаб берилмагани, хусусан, аҳолининг ўртача умр давомийлигини ошириш, бирламчи тиббий хизматларни халққа янада яқинлаштириш, болалар ирсий касалликларининг олдини олиш ва



даволаш самарадорлигини ошириш жоизлиги қайд этилганини таъкидлади. Айниқса онкологик хасталиклари эрта аниқлаш ва ўлим кўрсаткичини камайтириш, юқумли бўлмаган касалликлар профилактикаси самарадорлигини ошириш ҳамда тиббиёт соҳасида рақамли технологияларни кенг жорий қилиш масалалари ҳам ушбу ҳужжатда ўз аксини топган.

Шунингдек, унда 2024 йил 1 январдан бошлаб, вирусли гепатитнинг “С” тури билан касалланган беморлар, гематопоэтик суяк қўмиги ўзақ ҳужайралари трансплантацияси муолажасига муҳтож онкологик

касалликларга чалинган болаларни тўлиқ давлат бюджети маблағлари ҳисобидан даволаш йўлга қўйилиши қайд этилган. Бундан ташқари, ногиронлиги бўлган шахсларни протез-ортопедия буюмлари, реабилитация ҳамда дори воситалари билан таъминлаш ишлари “ваучер” тизими асосида босқичма-босқич ташкил этилади. Бунда ногиронлиги бўлган шахсларга товар ва хизматларни ўзлари танлаган етказиб берувчидан харид қилиш имконияти яратилиб, уларнинг харажатлари ҳам давлат бюджети маблағлари ҳисобидан қопланиши режалаштирилган.

Шаҳар тиббиёт бирлашмаси

бошлиғи Нусратилло Холиқов сўзга чиқиб, давлатимиз раҳбари томонидан имзоланган энг муҳим ҳужжатнинг халқимиз сиҳат-саломатлиги, қолаверса, мамлакат тиббиёт тизимидаги ўрни фойт муҳимлигини таъкидлади.

Тадбир сўнгига соғлиқни сақлаш тизимида самарали меҳнат қилиб келаётган бир гуруҳ тиббиёт ходимлари партиянинг ташаккурнома ва эсдалик совғалари билан тақдирланди.

Зухро МИРЗОҲАМДАМОВА,
O'zLiDeP Тошкент вилоят кенгаши бўлим мудир

22 ДЕКАБРЬ – ЭНЕРГЕТИКЛАР КУНИ

ХАЛҚИМИЗГА ЁРУҒЛИК ВА ИССИҚЛИК УЛАШАМИЗ



“Ангрен ИЭС” акциядорлик жамияти ишчи-хизматчиларининг ниятлари шундай. Масъулиятли ишга шайликлари ҳам шунга монанд.

Мана, жамиятнинг бош бошқарма диспетчерлик марказида малакали ишчилар ишни қабул қилиш олдида суҳбатлашмоқда. Электр цехи

бошлиғи ўринбосари Сино Аббасов, смена раҳбари Аббос Ҳайдаров, электрчи лаборант Жавлон Усмоналиев навбатчиликни кўнгилдагидек ўтказиш хусусида маслаҳатлашмоқда.

Корхонада ходимлар уч сменада, 8 соатдан ишлашади. Улар экрандаги кўрсаткичларни кузатиб, иссиқлик ва ёруғлик манбалари маромида ишлашни таъминлаб боришади.

Фурсатдан фойдаланиб, аввало, “Ангрен ИЭС” акциядорлик жамиятининг ана шундай фидойи, тажрибали ишчи-хизматчилари ва мамлакатимиздаги барча энергетика соҳаси ходимларини 22 декабрь – Энергетиклар куни билан самимий қутлаймиз.

Эл хизматидан чарчаманг, ёруғлик ва иссиқлигимизнинг азиз таъминотчилари!

МУҲОҒАЗА

СОҒЛОМ ВА ХАВҒСИЗ ФАОЛИЯТ КАФОЛАТИ

Корхона, ташкилот ва муассасаларда касабга уюшмаси қўмитаси фаолиятининг талаб даражасида йўлга қўйилиши ходимлар ҳуқуқ ва манфаатлари ҳимоясида муҳим аҳамият касб этади. Қўмитанинг меҳнат жамоалари вакили сифатида иш берувчилар билан меҳнат муносабатлари яратиш, ҳақ тўлаш, муносиб шароит, соғлиқ муҳофазаси ва ижтимоий кафолатларни ўз ичига олган жамоа шартномаларининг қонунчиликка асосан тузилиши ва бажарилиши устидан назорати шулар жумласидандир.

Маълумки, бугунги кунда амалда бўлган, ҳужалик юритувчи субъектлар фаолияти устидан давлат назоратини амалга ошириш тўғрисидаги қонунлар ва қонуности ҳужжатларида текширишларнинг қатъий тартиби белгиланган. Иш берувчилар эътиборини меҳнат муҳофазаси масалаларига мунтазам қаратиб бориш ва жамоаларнинг ҳуқуқий билимларини ошириш мақсадида Сурхондарё вилоят камбағаллиқни қисқартириш ва бандлик бош бошқармаси давлат меҳнат назорати инспекцияси ходимлари тизими ишларни амалга оширмоқда. Ҳужалик юритувчи субъектларда меҳнат муҳофазаси бўйича ишларнинг қонунчилик талаблари асосида ташкил этилишини таъминлаш мақсадида корхона, ташкилот ва муассасаларга мурожаатлар юборилипти, семинарлар, оммавий ахборот воситаларида чиқишлар ташкил қилинган. Бундай профилактик тадбирлар натижаси ўлароқ вилоятдаги мавжуд ишлаб чиқариш объектларида содир бўлиб турадиган бахтсиз ҳодисалар йилдан-йилга камаймоқда.

Шуни унутмаслик керакки, корхонада ходимларнинг соғлом ва хавфсиз меҳнат шароитида фаолият юритишлари учун қўлайликлар яратилиши нафақат уларнинг ҳақ-ҳуқуқлари ҳимоя қилиниши, балки ишлаб чиқариш унумдорлиги ошишини ҳам кафолатлайди. Қолаверса, қонунбузарликларга нисбатан қўлланиладиган маъмурий жарималардан асраб, иқтисодингиз тежалишига замин яратади.

Қаландар КОМИЛОВ,
Сурхондарё вилоят камбағаллиқни қисқартириш ва бандлик бош бошқармаси давлат меҳнат назорати инспекцияси бош инспектори



Biznesni Rivojlantirish Banki

100 МИЛЛИОН СЎМГАЧА КРЕДИТЛАР ГАРОВСИЗ БЕРИЛАДИ

БАНК ВА МИЖОЗ



“Бизнесни ривожлантириш банки” АТБ таъсисчилигида “Кичик бизнесни ривожлантириш жамғармаси” ва жамғарма таркибида ҳудудларда 14 та “Кичик бизнесга кўмаклашиш ҳудудий марказлари” ташкил этилди. Ушбу марказлар орқали кичик бизнес лойиҳаларини танлаш, ташаббускорларни ўқитиш, молиялаштириш, ахборот билан таъминлаш, бизнес режалар ва техник иқтисодий асосларни ишлаб чиқиш, бозор топши билан боғлиқ комплекс хизматлар кўрсатилади.

Бу ҳақда “Бизнесни ривожлантириш банки” АТБ фаолиятининг устувор йўналишлари” мавзусидаги матбуот анжуманида маълум қилинди. Унда банк бошқаруви раҳбарияти, оммавий ахборот воситалари ва жамоатчилик вакиллари иштирок этди.

Хабарингиз бор, Президентимиз жорий йил 18 августда тадбиркорлар билан очик мулоқотида кичик бизнесни янада қўллаб-қувватлашга қаратилган қатор тақлиф ва ташаббуслар илгари сурди, – деди ушбу банк бошқаруви раиси ўринбосари Санжар Олимжонов. – Мазкур мулоқотда қайд этилган вазифаларни ўзида жамлаган ва тадбиркорлик муҳитини яхшилашга оид яқин ва узоқ истиқболдаги мақсадларни ақс эттирувчи муҳим ҳужжатлар қабул қилинди. Бинобарин, давлатимиз раҳбарининг 2023 йил 14 сентябрдаги “Кичик бизнесни ривожлантиришни молиявий ва институционал қўллаб-қувватлаш чора-тадбирлари тўғрисида”-ги қарори бизнес соҳаси ривожини учун янги имкониятларни яратди.

Қарорга асосан кичик бизнесни қўллаб-қувватлаш бўйича узлуксиз хизматлар заنجирини яратиш мақсадида “Кичик бизнесни узлуксиз қўллаб-қувватлаш комплекс дастури”ни амалга ошириш белгиланди. Дастурни 2023–2026 йилларда амалга ошириш учун давлат маблағлари ҳисобидан 6 трлн сўм ва халқаро молия институтларининг 1,2 млрд АҚШ доллари миқдоридagi маблағлари йўналтирилиши кўзда тутилмоқда.

“Бизнесни ривожлантириш банки” акциядорлик тижорат банки дастури амалга ошириш ва уни доимий равишда такомиллаштириб бориш бўйича асосий таянч банк сифатида белгиланган.

Анжуманда банк томонидан

дастур ижроси доирасида амалга оширилаётган ва келгусида кўзда тутилаётган чора-тадбирлар, дастур иштирокчиларини танлаб олиш тартиби ва молиявий, консалтатив қўллаб-қувватлаш дастаклари ҳақида ахборот берилди.


– Молиявий қўллаб-қувватлаш йўналишида тадбиркорлик фаолиятини йўлга қўйиш ёки кенгайтириш учун 2 йилгача имтиёзли давр билан 7 йилгача муддатга ҳамда айланма маблағлар учун револьвер тарзда 3 йилгача муддатга йиллик Марказий банк асосий ставкасидан 4 фоизлик пункт юқори ставкада 1,5 млрд сўмгача кредитлар ажратилади, – деди банк бошқарма бошлиғи Рауф Бойназаров. – Шу билан бирга, асосий воситаларни сотиб олиш учун лизинг бериш вазифалари белгиланган бўлиб, бунда 100 миллион сўмгача кредитларни гаровсиз, 150 миллион сўмгача кредитларни гаров талаби 50 фоизгача пасайтирилган ҳолда ажратиш амалиёти татбиқ этилади.

Шунингдек, консалтатив қўллаб-қувватлаш йўналишида лицензия, рухсатнома ва сертификатлар олиш масалалари, боғжона ва солиқ маъмуриятчилиги, экспорт ва импорт операциялари, шартномаларни расмийлаштириш, давлат харидларида иштирок этиш, ер участкалари ва бино-иншоотларни сотиб олиш ёки ижарага олиш ва лойиҳалаштириш вазифалари амалга оширилади.

Бундан ташқари, давлатимиз раҳбарининг 2023 йил 15 ноябрдаги “Аҳолини кичик ва ўрта бизнесга кенг жалб қилишнинг қўшимча чора-тадбирлари тўғрисида”ги қарорига мувофиқ 2024–2026 йилларда банк бўйича: кичик тадбиркорлик субъектларига ажратиладиган кредитлар қолдиғини 1,7 бараварга ошириш орқали кредит портфелидаги улушини 28 фоиздан 43 фоизга етказиш; 150 мингта кичик тадбиркорлик субъекти фаолиятини йўлга қўйиш ва кенгайтириш; кичик бизнес лойиҳаларини молиялаштириш учун халқаро молия институтлари ва хорижий ҳукумат молия ташкилотларидан жами 800 миллион АҚШ долларигача миқдорда ресурслар жалб қилиш; 300 миллион АҚШ доллари миқдорда облигация (евробонд)ларни халқаро капитал бозорларида муомалага чиқариш вазифалари белгиланган.

Матбуот анжуманида банк фаолияти билан боғлиқ бошқа саволларга ҳам жавоб берилди.

Нурхон ЭЛМИРЗАЕВА,
“XXI asr” мухбири



АЖАБ ҲАНГОМАЛАР

Харидорга қулай, етиштирганга-чи?

Арзонлаштирилган озиқ-овқат ярмаркалари хусусида айрим мулоҳазалар

КАТТА БАЙРАМЛАР АРАФАСИДА ТУМАНУ ВИЛОЯТ МАРКАЗЛАРИДА АРЗОНЛАШТИРИЛГАН ОЗИҚ-ОВҚАТ ЯРМАРКАЛАРИНИ ТАШКИЛ ҚИЛИШ АНЪАНАСИ БОШЛАНГЕНИГА КЎП ЙИЛЛАР БЎЛДИ. ФУҚАРОЛАР БУНДАН ХУРСАНД, ЧЎНТАКБОП МАҲСУЛОТЛАР БИЛАН БАЙРАМ ДАСТУРХОНИНИ БЕЗАШАДИ, БОЛАЛАРИНИНГ КЎНГЛИНИ ЧОҒ ҚИЛИШАДИ.

Кўпгина фермерлар гарчи зарар кўрса-да, харидорларни хурсанд қилишаётганини ҳалқимизга хос саховатпешалик деб аташ мумкин. Аслида бозор сийёси шароитида ишлаб чиқарувчилар нархни кетган харажатларидан келиб чиқиб белгилашади. Ҳеч ким зарарига ишлашни истамайди.

...Салкам йигирма йил боғдорчилик фермер хўжалиги эгаси бўлганим боис айнан “арзонлаштирилган озиқ-овқат ярмаркалари” ортида турли “ўйинлар” тургани, бундан манфаатдорлар борлигини яхши биламан.

Наврўз, Мустақиллик ва Янги йил байрамлари арафасида маҳалла фуқаролар йиғини раиси боғдорчилик, полизчиликка ихтисослашган фермерларни чақириб, туман ҳамда вилоят марказида ташкиллаштирилган ярмаркага озиқ-овқат етказиш кераклигини айтарди. Ҳар бир фермерга маълум миқдорда маҳсулот ажратиш мажбурий қилиб қўйиларди. Уларни маҳалла ташкил қилган юк машинаси олиб кетарди. Икки-уч кундан сўнг ҚФЙ ё МФЙ раиси барча фермерларни тўплаб, ҳисоб-китоб қилар, йўл харажати, ёлланган сотувчи хизмат ҳақи чегириб ташлаиб, маҳсулотингиз пули бериларди. Бу пул маҳсулотнинг ярим нархига ҳам етмасди...

Булар ўн беш йиллар олдинги гаплар. Кейинчалик фермерлардан маҳсулот ундириш тўхтади. Масъуллар энди янада “қулайроқ” антиқа усулни ўйлаб топишди: ҳар гектар ер ҳисобидан маълум миқдорда пул йиғиб олинади. Бир масъул вилоят деҳқон бозорига бориб, кунда-шунда бозорчилик қилиб юрган олибсотарларнинг бири билан ўзаро келишади. Яъни унга, айтилиб, икки-уч миллион сўм пул беради ва ҳар кунги юмуши – бозорга келган деҳқонлардан сотиб олган маҳсулотларини махсус қўрилган савдо ярмаркасида сотишни, сотганда ҳам бозордаги нархдан анча паст баҳода сотишни тайинлайди. Олибсотар аҳли учун бу тинчгина, бошогриқсиз, фойдали иш. Берилган пулга олган маҳсулотини ар-



зон сотганида ҳам чўнтагига анчагига даромад қолади. Ҳар куни топганидан кўра кўпроқ фойда қолади. Бу “ўзаро келишув” токи ярмарка тугагунича давом этаверади...

Фермерлар эса боши ғалвадан қутилганига хурсанд. Ҳар гектар ери ҳисобидан берган пулини саховат учун бағишлаганига рози.

Ўйлаб кўринг: ҳалиги пул тўплаган масъулнинг чўнтагига қанча соққа қолади? Буни фақат тахмин қилиш мумкин. Инсофли деганим йиғилган пулнинг камида ярмини “туя” қилиши аниқ.

Бу зайил “сохта ярмаркалар ташкил қилиш” аънанаси узоқ йиллар давом этди. Балки ҳозир ҳам аллақайларда давом этаётгандир...

...Болалик дўстим ва қудам узоқ йиллар чорвачилик фермер хўжалигини юритди. Байрамолди ярмаркалар айнан чорва фермерлари учун азобнинг ўзгинаси, яъни каттагина чиқим бўларди. Айниқса, йилда бир марта қайсидир байрам арафасида пойтахт бозорларида гўшт сотиш вақтида. Ҳокимлик вакили чорва фермерларини тўлаб, ҳар бири пойтахт бозорларига бориб, камида беш юз килограмм гўштни арзонлаштирилган ярмаркада сотиши шартлигини айтади. Йўқ, буюради. Фермерлар миқ этмай дарров ишга киришади. Икки-учови киракаш юк машинаси ёллаб, ҳар бири икки бош хўкизни машинага ортади. Ўзлари поездда йўлга тушади. Тошкентга боргач, қушхона топиш, хўкизларни сўйдириш, бозордаги ярмаркага олиб бориш ва сотиш учун қассоб ёллашади.

Буларнинг ўзи бўлмайди, албатта!

Ошнамизнинг айтишича, икки хўкиз, яъни беш юз килограмм гўштни пойтахтда ярмаркадан сотишдан беш кунда ўн беш миллион сўм атрофида зарар кўраркан. Нега дейсизми? Ҳисоблаймиз. Йўлкира учун ҳар хўкиз бошига бир миллион сўм беради. Қушхонада сўйиб, гўштни тахлаб берган қассоб ҳам ҳар бошига бир ярим миллион сўм олади. Бозорга элтиш фалон сўм. Ёлланган қассоб ҳар иш кунига хизмат ҳақи сўрайди. Бу ёқда фермернинг меҳмонхонада туриши, овқатланиши... Қисқаси, ўша вақтда бир килограмм гўшт нархи 40 минг сўм бўлса, уни ярмаркада 30 минг сўмдан беради. Беш юз килограмм гўшт бозор нархида 20 миллион бўлиши керак. У эса 15 миллионга сотди. Йўлкира, қушхона хизматларига ўн миллион сўм сарфлади. Ўзининг харажатлари ҳам бир ярим миллиондан кам эмас.

Кейинроқ фермерлар бунинг ҳам йўлини топишди. Пойтахтга гўшт эмас... тинчгина нақд пул олиб боради. Ўша ерда қушхонадаги қассоблар билан ўзаро келишилади. Қассоблар гўштни арзонга сотгани учун

устига бозор баҳосидаги пул қўшиб берилади. Яна ҳар иш кунига ҳам ҳақ олади.

Бу “усул”да фермернинг ёнига икки бош хўкизи қолади. Кўпи билан ўн миллион сўм сарфлайди. Ўзининг харажати, ёлланган қассоб иш ҳақи ва гўштни бозор нархи билан ярмаркада сотилиш нархи ўрта-сидаги фарқ.

Хоразмлик фермерлар шундай усулни ўйлаб топилган. Пойтахтга яқин бошқа вилоятлар фермерлари ярмаркада гўшт сотишдан унчалик зарар кўрмасликлари мумкин, негаки масофа яқин, харажатлари кўп эмас.

...Яқин ўтмишда, ўн йиллар олдин тамойилда бўлган бу ғайриоддий усулларни эслатишдан мақсад... ҳали ҳамон шундай “ўйин”лар амалда эмасмикин, деган шубҳа бор кўнглимизда.

Ҳокимликлар томонидан “ихтиёрий-мажбурий” ташкиллаштирилаётган арзонлаштирилган озиқ-овқат ярмаркалари барча жойда изчил ташкил қилинмаётганидан ҳам кўз юмиб бўлмайди. Мана оддий мисол: куни кеча бир туман марказидаги шундай ярмаркага арзон гўшт харид қилиш учун кирдим. Вақт кундузги соат ўн бирлар атрофи эди. Қарасам, канорадаги гўшт тугаган, қассоб саволимга: “Соат тўққизда сотишни бошладик, бир соатда тугади. Энди эртага бўлади, вақтлюк келинг!” деди.

Кап-катта майдонни эгаллаган ярмаркада қовоқ, сабзи, картошқадан (уларнинг сифати ҳавас қилгулик эмас) бошқа ҳеч нарса қолмаганди. Ишда банд бўлган фуқаролар одатда иш вақти тугагач, бозорга боришади. Улар ойнаи жаҳонда эшитгани бўйича ярмаркага бош суқишади ва... куп-қуруқ пештахталарга кўзи тушади.

Ҳалқимизга хос қадим саховат тадбири – арзонлаштирилган озиқ-овқат ярмаркаларини масъуллар қаттиқ назорат қилишлари, юқоридаги каби алдовларга чек қўйишлари керак.

Саховатга алдов аралашмасин!

**Рўзимбой ҲАСАН,
“XXI asr” муҳбири**

ОБОДЛИК

“БЕШБУЛОҚ МАРЖОНИ” ДАН ДЕҲҚОНОБОДЛИКЛАР МАМНУН

Заводимизга тумандошларимиз “Бешбулоқ маржони” деган чиройли ном қўйиб олишган. У ишга тушганидан сўнг тоғли худудимиз аҳлининг бандлиги яхшиланиб, турмуш фаровонлиги йилдан йилга ортиб бормоқда.

Бугун Бешбулоқ қишлоғига келган одам ўтган қисқа фурсатда амалга оширилган ислохотларнинг самарасини кўриб, хайратга тушиши аниқ. Корхонада 2010 йилдан буён калий хлорид маҳсулоти ишлаб чиқармоқда. Жорий йилнинг ўтган 11 ойи мобайнида 668,8 млрд сўмлик маҳсулот тайёрланди. Ҳозирга қадар Япония, Эрон, Индонезия, Латвия, Вьетнам, Малайзия, Туркия, Литва каби жами 23 та давлатга 425 млрд сўмлик минерал ўғитлар экспорт қилинди. Икки бозорда 224 млрд сўмлик тайёр маҳсулот сотилган.

Бугун жаҳон айвонида ўта мураккаб геосийёсий ҳолат юз бераётганлигини ҳисобга олган ҳолда бозор механизмлари орқали маҳсулотни

хорижга сотиш ҳисобига жамиятнинг молиявий-иқтисодий ҳолатини яхшилаш мақсадида ишлаб чиқариш узлуksизлигини таъминлашга асосий эътибор қаратилган. 2023-2025 йиллар мобайнида ҳар йили 400 минг тонна гранулаланган калий хлорид ишлаб чиқариш ҳамда барча маҳсулотни экспортга йўналтириш бўйича инвестиция лойиҳасини амалга ошириш борасида амалий ишлар бошлаб юборилди.

Жамиятимиз ишчи-хизматчилари Президентимиз ташаббуси билан амалга оширилаётган “Яшил макон” умуммиллий лойиҳасида фаол қатнашмоқда. Жорий йил кузги кўчат экиш мавсуми давомида “Яшил белбоғлар” яратиш лойиҳаси бўйича жамият ва унга туташ бўлган ҳудудларда 100 минг тупдан ортиқ меваги ва манзарали дарахт кўчатлари ҳамда буталар ўтказилди.

Ишчи-хизматчиларга қулайлик яратиш мақсадида жамият автотураргоҳи ҳамда йўл ёқасида 2 та янги бекат қурилди. Корхона ҳомиёлиги асосида Деҳқонobod туманининг энг чекка қишлоқларидан бўлган Консой



аҳолиси хонадонлари электрлаштирилди. Жамиятга қарашли ёрдамчи бинода ҳуқуқ-тартибот маскани қуриб берилди.

Тоғайтемир маҳалла аҳлини то-

за ичимлик суви билан таъминлаш мақсадида 150 метр куб ҳажмли сув йиғиш ҳовузи қурилди. “Бешбулоқ” МФЙ аҳолисига боғ ва томорқасини суғориш учун 2 та артезиан қудуғи

қазиб бериш ишлари олиб борилмоқда.

Жамиятимизда айни пайтда 2 051 нафар ишчи-ҳодим хизмат қилади. Улар мунтазам равишда хорижий ва республика ўқув марказларида малака оширмоқда. Жорий йил мобайнида 147 нафар раҳбар, муҳандис ва ишчи ҳодимлар тармоқнинг нуфузли корхоналарида амалиёт ўтаб қайтишди.

ри учун Президентимиз фармонида асосан “Шуҳрат” медали билан тақдирланди. Корхона ишга тушгандан буён беш нафар фидойи ҳодимларимиз давлатимизнинг ордени ва медаллари билан мукофотланди.

Президентимизнинг 2018 йил 25 октябрдаги “Ўзбекистон Республикасида кимё sanoatини жадал ривожлантириш чора-тадбирлари тўғрисида” ҳамда 2019 йил 3 апрелдаги “Кимё sanoatини янада ислоҳ қилиш ва унинг инвестициявий жозибдорлигини ошириш чора-тадбирлари тўғрисида”ги қарорларига асосан корхонамизда калийли ўғитлар ишлаб чиқариш 2,1 бараварга ошди.

Шуни aloҳида таъкидлаш керакки, бир замонлар эътибордан четда қолган Деҳқонobod номи бугунги кунда мамлакатда sanoat тумани сифатида эътироф этила бошланди. Янгиланаётган Ўзбекистон эпкинлари эсаётган тоғли туман аҳолиси хонадонларига файз кирди, бандлик ва фаровонлик ошди, қишлоқларда кенг қўламда қурилиш ва обodonлаштириш ишлари авж олди. Қад ростлаётган уй-жойлар, замонавий иншоотлар туманга ўзгача чирой ва шуқуъ бахш этиб турибди.

**Маҳзуна ЙЎЛДОШЕВА,
“Деҳқонobod Калий заводи”
АЖ бошқаруви раисининг
ахборот сийёсати масалалари
бўйича маслаҳатчиси,
матбуот котиби**
Реклама ҳуқуқи асосида
тайёрланди.

MUASSIS: TADBIRKORLAR VA ISHBILARMONLAR HARAKATI –
O'ZBEKISTON LIBERAL-DEMOKRATIK PARTIYASI



**Бош муҳаррир
Норқобил ЖАЛИЛОВ**

Таҳрир хайъати:
Ақтам ХАЙТОВ
Дилшод ШОУМАРОВ
Шухрат БАҒОЕВ
Мавлуда ХУҲАЕВА

Сирождидин САЙИД
Адҳам ШОДМОНОВ
Виктор ПАК
Насимжон АЛИМОВ

Таҳририят манзили:
Тошкент шаҳри
Нукус кўчаси 73А-уй.

электрон почта:
xxi_asr@mail.ru
xxi_asr@mail.ru



Телефонлар:
қабулхона –
71 215-63-80
(71 ф.факс).
Обуна ва реклама
бўлими –
71 255-68-50.

“XXI asr” ижтимоий-сийёсий газетаси
Ўзбекистон Матбуот ва ахборот
агентлигида 2011 йил 14 июнда 0009-рақами билан
рўхатдан ўтказилган.

“Шарк” нашриёт-матбаа акциядорлик
компанияси босмахонасида chop этилди.

Корхона манзили:
Тошкент шаҳри Буюк Турон кўчаси 41-уй.
Газета офсет усулида, А-2 форматда
босилди. Ҳажми – 3 босма табоқ.
Буюртма рақами: Г – 1245
Адади: 9038
Баҳоси келишилган нархда.
Топширилди – 19:55

Таҳририятга келган қўлғезмалар тақриз
қилинмайди ва муаллифларга
қайтарилмайди.

© “XXI asr” дан олинган маълумотларга манба
сифатида газета номи кўрсатилиши шарт.

Муаллифлар фикри таҳририят нуктаи
назаридан фарқ қилиши мумкин.

Газета таҳририят компьютер марказида
терилди ҳамда дизайнёр

Маъруфжон Раҳмонов
томонидан саҳифаланди.

ISSN 2181-497X



**НАШР КЎРСАТКИЧИ: 406
123456**

Навбатчи муҳаррир:
Фаррух ЖАБОРОВ